

O'zbekiston Respublikasi
Xorazm viloyati
Bog'ot tumani
HOKIMI
QARORI



Ўзбекистон Республикаси
Хоразм вилояти
Боғот тумани
ХОКИМИ
ҚАРОРИ

220200 Боғот шаҳарчаси, Ўзбекистон кўчаси, 18 уй. Тел: 31-52-807, факс: 31-52-425

2020 йил «2» Март

№ 447/ч

Боғот шаҳарчаси

Бешариқ қишлоғи ҳудудида фаолият кўрсатаётган “Камронбек Йўлдошев меваси” фермер хўжалигига узок муддатли ижарага ер участкаси ажратиб бериш тўғрисида

Бешариқ қишлоғи ҳудудида фаолият кўрсатаётган “Камронбек Йўлдошев меваси” фермер хўжалиги бошлиғи Ш.Абдуллаеванинг фермер хўжалигига ижарага ер майдони ажратиб беришни сўраб туман ҳокими номига йўллаган сўровномасини ҳамда бу юзадан фермер хўжаликларига қишлоқ хўжалиги учун ер майдонлари ажратиш масалаларини кўриб чиқиш бўйича туман комиссиясининг, туман фермер, деҳқон хўжаликлари ва томорқа ер эгалари Кенгашининг хулосаларини, Халқ депутатлари туман Кенгашининг тавсиясини кўриб чиқиб, Ўзбекистон Республикаси “Ер кодекси”нинг 6,53-моддаларига, “Фермер хўжалиги тўғрисида”ги қонуннинг 11-моддасига ҳамда Ўзбекистон Республикаси “Маҳаллий давлат ҳокимияти” тўғрисидаги қонуннинг 6-моддасига асосланиб

ҚАРОР ҚИЛАМАН:

1. Бешариқ қишлоғи ҳудудида фаолият кўрсатаётган “Камронбек Йўлдошев меваси” фермер хўжалигига Бешариқ қишлоғи ҳудудидаги туман ер захира фондидаги қишлоқ хўжалиги харитаси бўйича 1188, 1207, 1203, 1232, 1258, 1259-контурлардаги жами 16,1 гектар, шундан 14,9 гектар экин ери, 0,9 гектар ариқ ва зовурлар остидаги, 0,1 гектар йўллар остидаги, 0,2 гектар қишлоқ хўжалигида фойдаланилмайдиган бошқа ерлардан иборат бўлган ер участкасини боғдорчилик йўналиши бўйича ижарага ажратиб бериш мақсадга мувофиқлиги ҳақидаги фермер хўжаликларига қишлоқ хўжалиги учун ер майдонлари ажратиш масалаларини кўриб чиқиш бўйича туман комиссиясининг хулосаси маъқуллансин.

2. “Камронбек Йўлдошев меваси” фермер хўжалиги (бошлиғи Ш.Абдуллаева)га 1188, 1207, 1203, 1232, 1258, 1259-контурлардаги жами 16,1 гектар, шундан 14,9 гектар экин ери, 0,9 гектар ариқ ва зовурлар

остидаги, 0,1 гектар йўллар остидаги, 0,2 гектар қишлоқ хўжалигида фойдаланилмайдиган бошқа ерлардан иборат бўлган ер участкаси боғдорчилик йўналиши бўйича қолган (45 йил) муддатга ижарага ажратиб берилсин.

3. Туман ер ресурслари ва давлат кадастри бўлими (Ш.Норбаев)га фермер хўжаликларига қишлоқ хўжалиги учун ер майдонлари ажратиш масалаларини кўриб чикувчи вилоят комиссияси томонидан кўриб чиқилиб, вилоят ҳокими қарори қабул қилингандан кейин туман ҳокими билан “Камронбек Йўлдошев меваси” фермер хўжалиги ўртасида ер участкасини узоқ муддатли ижарага олиш шартномасини тайёрлаш, рўйхатга олиш ва ер участкасини жойида (натурада) далолатнома асосида белгилаб бериш вазифаси топширилсин.

4. “Камронбек Йўлдошев меваси” фермер хўжалиги (бошлиғи Ш.Абдуллаева)га ажратиб берилган ер участкаси атрофларини бегона ўтлардан тозалаб бориш, ариқ бўйларида тут кўчатлари ўтказиш ва уларга қаровни белгиланган муддатларда амалга ошириш доимий вазифа қилиб белгилансин.

5. Ушбу қарорнинг тасдиғи фермер хўжаликларига қишлоқ хўжалиги учун ер майдонлари ажратиш масалаларини кўриб чикувчи вилоят комиссиясидан сўралсин.

6. Ушбу қарорнинг ижросини назорат қилишни ўз зиммамда қолдираман.

Боғот тумани ҳокими



О.Холбоев